



Na osnovu člana 65.stav 1.tačka 1. Zakona o papirima od vrijednosti («Službeni glasnik Brčko distrikta BiH» broj: 15/03., 27/04. i 42/04), člana 6.stav 1.tačka 1. Statuta Komisije za papire od vrijednosti («Službeni glasnik Brčko distrikta BiH» broj: 10/04), člana 17.stav 1. Pravilnika o registraciji i prijenosu papira od vrijednosti («Službeni glasnik Brčko distrikta BiH» broj: 43/04), Komisija za papire od vrijednosti Brčko distrikta Bosne i Hercegovine, na sjednici održanoj 16.05.2005.godine d o n o s i

U P U T S T V O

O VRŠENJU POSLOVA PRIJENOSA PAPIRA OD VRIJEDNOSTI PO OSNOVU POSLOVA ZAKLJUČENIH NA UREĐENOM JAVNOM TRŽIŠTU

I OPŠTE ODREDBE

1. Ovim Uputstvom utvrđuje se postupak provođenja poslova prijenosa papira od vrijednosti koji se sprovodi u Centralnom registru kod Komisije za papire od vrijednosti Brčko distrikta BiH (u daljem tekstu: Centralni registar), nakon što BERZE dostave Registrima FBiH i RS (u daljem tekstu: Registri) Preliminarni izvještaj, odnosno Zvanični pregled za predmetni dan trgovanja.
2. Zvanični pregled za predmetni dan trgovanja Registri će proslijediti Centralnom registru radi potvrđivanja.

II DOSTAVLJANJE PRELIMINARNOG IZVJEŠTAJA

1. BERZE dostavljaju Preliminarni izvještaj elektronskom poštom Registrima po završetku berzanskog trgovanja za taj dan, koje traje do 12,00 sati, ukoliko rješenjem Uprave BERZE nije produženo i po proteku roka za raskidanje zaključenih berzanskih poslova prema Pravilima poslovanja BERZE, a najkasnije T + 0 do 13,30 sati (T + 0 – dan kada je zaključen posao i kada su BERZE dostavile Registrima Preliminarni izvještaj i zvanični Pregled).
2. Registri će odmah po prijemu Preliminarne zaključnice iz tačke 1., članovima Registra onemogućiti pristup CSD sistemu Registra, a zatim provesti kontrolu

Preliminarnog izvještaja u roku od 30 minuta od prijema istog po slijedećim parametrima:

- a) da li broj računa stranke (kupca i prodavca) prijavljen za trgovanje postoji otvoren pri brokerskoj kući – članu Registra,
 - b) da li se papiri od vrijednosti prijavljeni za prodaju, po vrsti i broju, nalaze na računu stranke prodavca iz podtačke a) ovog stava.
3. Po provedenoj kontroli Preliminarnog izvještaja, Registri će BERZAMA dostaviti izvještaj sa podacima koje transakcije se, navodeći broj tiketa sa Preliminarnog izvještaja pod kojim su iste zaključene, ne mogu provesti u sistemu registracije Registara po kontrolnim parametrima iz tačke 2.podtačke a) i b) ovog uputstva, uz navođenje razloga zbog kojeg iste nije moguće provesti.
4. Izvještaj iz tačke 3. ovog uputstva Registri dostavljaju BERZAMA elektronskom poštom na T + 0 do 14,00 sati.

III DOSTAVLJANJE ZVANIČNOG PREGLEDA

1. Po prijemu izvještaja iz tačke 3. ovog uputstva BERZE će sačiniti Zvanični pregled u kojem će sve tikete po transakcijama, koje su neprovedive prema izvještaju iz tačke 3. ovog uputstva, staviti u status «Poništeno».
2. Zvanični pregled iz prethodne tačke BERZE dostavljaju Registrima elektronskom poštom na T + 0 najkasnije do 15,00 sati.
3. Po prijemu Zvaničnog pregleda iz tačke 1. ovog poglavlja, Registar će na računu stranke – prodavca pri članu Registra izvršiti ograničenje prometa papira od vrijednosti koji su bili predmet transakcija navedenih u Zvaničnom pregledu iz tačke 1.ovog poglavlja , a koje nisu u statusu «Poništeno».

IV PROVOĐENJE PRIJENOSA PAPIRA OD VRIJEDNOSTI

1. Registri će na T + 3 (treći radni dan od zaključenja posla na berzi) od 14,00 sati članovima Registara onemogućiti pristup CSD sitemu i provesti brisanje ograničenja prometa papira od vrijednosti iz tačke 3. poglavlje III, a nakon toga na T + 3 do 16,30 sati provesti prenose po transakcijama iz Zvaničnog pregleda, za koje su Registrima do 14,00 sati na T + 3, banke depozitari članova Registara – kupaca dostavile putem elektronske pošte ili faksom obavijesti o izvršenom plaćanju kupovne cijene.

2. Registri ne vrše prenose po transakcijama iz Zvaničnog pregleda koje su u statusu «Poništeno».
3. Registri će omogućiti ponovni pristup CSD sistemu članovima Registra slijedeći radni dan u 9,00 sati.
4. Registri će, po provođenju prenosa iz tačke 1.ovog poglavlja, slijedeći radni dan sačiniti i dostaviti pisani izvještaj BERZI, u kojem će navesti podatak koji tiketi iz Zvaničnog pregleda nisu provedeni zbog neplaćanja kupovne cijene.
Registri će u roku elektronskom poštom dostaviti članovima Registra izvod iz izvještaja iz stava 1. ove tačke, koji se odnosi na tikete po transakcijama u kojima su članovi Registra bili kupci i/ili prodavci.
5. Registri, BERZE i članovi Registara su dužni postupati u skladu sa ovim uputstvom, u protivnom pojedinačno odgovaraju za sve štetne posljedice proistekle iz takvog postupanja.
6. Ovo uputstvo stupa na snagu danom donošenja na sjednici Komisije za papire od vrijednosti Brčko distrikta BiH.
7. Ovo uputstvo će se objaviti u «Službenom glasniku Brčko distrikta BiH».

**PREDSJEDNIK
KOMISIJE ZA PAPIRE OD VRIJEDNOSTI**

Mirsad Bešlagić,dipl.ecc